



### Historia dalla casa

Igl onn 1898/99 baghegia Sigisbert Monn-Beer (1857-1906) ina casa da vacanzas sisum il vitg Sedrun. Igl ei ina casa-crap - zatgei nunusitau per Tujetsch ch'enconuscheva da gliez temps pli u meins mo la casa-lenn. Il sulom ha custau 1340 francs e per la construcziun dalla casa ha il possessur pagau 5147 francs. Il patrun-casa era caulingia tier la viafier federala ed haveva dimora el Tessin. Suenten in grev accident translochescha el siu domicil da Bellinzona a Sedrun, nua ch'el miera ella vegliadetgna da 49 onns. Ses fegls dotai cun buns talents technics endrezzan el plaunterren in luvratori per zambergiar. In da quels, numnadamein il Placi, inventa schizun ina materia explosiva e survegn perquei il surnum "Placi plum" e siu product senumna "Placid" ni "Monoplacid". Per motivs d'existenza sto la gronda part dalla famiglia emigrar. La vischnaunca gida a finanziar il bigliet sempel dil Placi per l'America. - Anavos resta Sebastian Monn (1888-1960) ch'endrezza el plaunterren igl emprem luvratori mecanic da Tujetsch. Leu repara el maschinas da cuser, velos, grammofons, radios etc. Suenten sia mort igl onn 1960 va la casa vi a siu fegl Heinrich che fa ordlunder puspei ina casa da vacanzas. 1980 cumpra la vischnaunca da Tujetsch il stabiliment per far ordlunder in museum. La renovaziun cuoza entochen 1984. Lu han ins entschiet ad endrizzar il museum. Malgrad che gia bia rauba veglia era ida dalla val giadora, eis ei stau pusseivel dad aunc rimnar tonta rauba per dar in bien maletg dalla moda e maniera da viver, d'habitar e da luvrar dalla populaziun tuatschina d'avon l'arrivada dalla tecnica (ca. 1950). Legreivlamein ein biars Tuatschins stai prompts da regalar diversa rauba veglia al museum.

Ils 7 da settember 1986 vegn il museum inauguraus. El ha survegniu il num "**La Truaisch**", in vegl plaid romontsch che munta in baghetg per conservar graun ni era per deponer diversa rauba.

### Baugeschichte

Im Jahr 1898/99 errichtete Sigisbert Monn-Beer (1857-1906) ein Ferienhaus zuoberst im Dorf Sedrun. Es war ein Steinhaus - etwas Ungewöhnliches für Tujetsch, das zu dieser Zeit mehr oder weniger nur das Holzhaus kannte. Der Boden kostete damals 1340 Franken und für die Errichtung des Hauses bezahlte der Bauherr 5147 Franken. Sigisbert Monn war Bahnmeister bei den Schweizerischen Bundesbahnen im Tessin. Nach einem schweren Unfall verlegte er seinen Wohnsitz von Bellinzona nach Sedrun. Dort starb er im Alter von nur 49 Jahren. Seine Söhne, die technisch sehr begabt waren, richteten im Erdgeschoss des Hauses einen Bastelraum ein. Placi erfand sogar einen Sprengstoff, weshalb er den Uebernamen «Placi plum» bekam, während sein Produkt «Placid oder «Monoplacid» hiess. Aus Existenzgründen musste der grösste Teil der Familie auswandern. Die Gemeinde half Placi das Billet nach Amerika zu finanzieren - einfach selbstverständlich! - Zurück blieb nur Sebastian Monn (1888-1960), der im Erdgeschoss die erste mechanische Werkstätte von Tujetsch errichtete. Dort reparierte er Nähmaschinen, Velos, Grammophone, Radios etc. Nach seinem Tod im Jahre 1960 ging das Haus an seinen Sohn Heinrich über, der daraus wieder ein Ferienhaus machte. 1980 kaufte die Gemeinde Tujetsch das Haus, um darin ein Talmuseum einzurichten. Die Renovation des Hauses dauerte bis 1984. Dann wurde mit der Einrichtung des Museums begonnen. Obwohl schon viele Antiquitäten aus dem Tujetsch verkauft worden waren, war es noch möglich, soviel Gegenstände und Geräte zu erwerben, um ein charakteristisches Bild über die frühere Lebens- und Arbeitsweise der Tujetscher Bevölkerung vor der Technisierung (um 1950) zu vermitteln. Erfreulicherweise waren viele Tujetscher bereit, dem Museum verschiedene Geräte zu schenken.

Am 7. September 1986 wurde das Museum eingeweiht. Es erhielt den Namen «**La Truaisch**», eine alte rätoromanische Bezeichnung, die Kornspeicher oder Magazin für verschiedene Waren bedeutet.